



partii naleraq

Nuuk 17. oktober 2018
UKA2018/121-159
Hans Enoksen Partii Naleraq

Taaguutininik akuersissuteqartarnermi Oqaasiliortut sulinerat nalilersuiffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq inaarsarneqassaaq UKA2019 tikitsinnagu, kalaallisut taaguusersuinerup ineriartortinneqarnissaanut suliat annertusarnissaannut innersuussutinik aamma imaqartinneqassaaq.

(Siumup Inatsisartuni ilaasortaaitai)

Oqaasiliortut peqatigalugit inatsisilerinermi kalaallisut oqaatsinik ineriartortitsinermik akuersinissamillu suliaqarnermik Naalakkersuisut salliutsitsinissaat pillugu Inatsisartuni aalajangiiffigisassatut siunnersuut. Taamattaq Naalakkersuisut Oqaasiliortunik oqaloqateqarnermik kingorna UPA2019 sioqqullugu sulinissamut piffissamut pilersaarummik saqqummiussinissaannik peqquneqarput.

(Inuit Ataqaigiit Inatsisartuni ilaasortaaitai)

Kalaallit oqaasiinik ineriartortitsinermik aammalu inatsisilerinikkut suliaqarnermi Naalakkersuisut saalliutitsinissaanik, aammalu taaguutininik akuersissuteqartarnermi taaguusersuinerup ineriartortinneqarnissaanik Siumut kiisalu Inuit ataqaigiit saqqummissaqarput tamannalu oqaaseqarfigilaassavarput.

Nunatsinni kalaallit oqaasiisa sutigut tamatigut inatsisilerinikkut taaguusersuinikkullu annertusarneqarnissaat ataatsimoorluta isumaqatigiissutigissagipput qularnanngilluinnarpoq, pingaartumik ukiuni kingullerni inatsisilerinikkut iliniartitaanikkullu kalaallit ilinniartuorsimasut amerliartorluartut malunnarnerpaaffiani.

Nunatsinni ilisimartusarfiuterput Ilimmarfik sutigut tamatigut ilinniartitaanikkut malunnarluartumik qaffatitsigaluttuinnarpoq assersuutigalugu aamma ilinniagassatut ilanngunneqarluni inatsilerinermit tunngasut, Tassa kalaallit inatsilerinikkut ilinniarsimasut amerlisarnissaat siunnerfigineqarluni tamannalu soorunami tapersersussallugu tamatta pisussaaffittut tigussagipput qularnanngilluinnarpoq.

Aammalu nunatsinni oqaasileriffiup sutigut tamatigut nukkittorsaartuarnissaa uagutsinnut kalaallinut Namminersulivinnissamik anguniaqarnitsinni toqqammavissatta ilagilluinnarpaa pingaartumik ilinniusiornermi taaguusersuinermi atsersuinermi tunngavissinissami.

Ilinniartitaanikkut aamma atuagassiornikkut oqaasileriffiup pingaaruteqanera ersarissartuartaqarpoq, oqaatsit atukkagut nunatta avataannit assigiinngitsorpassuarnik sunnerneqariartuinnarput taaguusersuinerillu allanngortinnagit eqqusuinnarsinnaanngilagut

illuatungilersimaassagutsigillu taavalu oqaatsigut nukittorsarlugillu illersorluassagutsit taava oqaasileriffik aamma nukittuumik inissimasariaqarpoq.

Naalackersuisut akissutaanni aamma takusinnaavarput qulaani siunnersuuteqartut taakkartugaat aamma suliaralugit ingerlanneqareersut ilaallu aamma suliasat allartisarneqalereerlutik tassuna ersarissarpaat anguniakkat siunnersuutigineqartut tunngavilersuutigisaat tunngavigalugit sulinerit aallartilluareersut.

Akursarneqarnissaannillu innersuussut taperserparput.

Taamatut oqaaseqarluta Kultureqarnermut Ilinniartitaanermullu ataatsimiititaliani suliarineqarnissaa innersuussutigaarput.